



Broj predmeta: 13-000518/21
Broj akta: 01.1-1413EK-0057/21
Datum, 8.7.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (2) tačka e) Zakona o javnim nabavkama («Službeni glasnik BiH», broj 39/14), Izmjene i dopune Zapisnika o pregledu i ocjeni ponuda broj:13-000518/21 od 5.7.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak za Lot 4 – Izgradnja rasvjete i presvlačenje asfaltnog sloja na postojećim malim sportskim terenima u MZ Brezovo Polje Selo iz provedenog otvorenog postupka za nabavku radova za potrebe Kancelarije za upravljanje javnom imovinom Brčko distrikta BiH – 7 lotova, koji je pokrenut na osnovu Posebne odluke o pokretanju postupka javne nabavke broj: 13-000518/21, broj akta: 16-0175SD-001/21 od 17.2.2021. godine, Tenderske dokumentacije i predmjera radova broj: 13-000518/21 kao i Obavještenja o nabavci na portalu javnih nabavki broj: 1157-1-3-78-3-144/21/21 od 26.2.2021. godine iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke.

Član 2

Čl. 1. stav (1) tačka d) Odluke o izboru najpovoljnijeg ponuđača broj: 13-000518/21, broj akta:01.1-1413EK-0026/21 od 4.5.2021. godine koja se odnosi na dodjelu ugovora za Lot 4 ponuđaču „Galax Niskogradnja“ d.d. Brčko se stavlja van snage.

Član 3

Odluka o poništenju postupka izbora najpovoljnijeg ponuđača stupa na snagu danom donošenja.

Obrazloženje

Ponuđač „Galax Niskogradnja“ d.d. Brčko je trebao u roku od sedam dana od dana obavještenja o dodjeli ugovora dostaviti kvalifikacionu dokumentaciju. Komisija za nabavke je nakon izvršene analize dostavljenih dokumenata uočila da ponuđač nije dostavio odgovarajuće Rješenje o ispunjavanju uslova za obavljanje djelatnosti građenja izvođenja radova na objektima jednostavne konstrukcije i bruto građevinske površine do 700 metara kvadratnih prema čl. 9. tačka d) Pravilnika. Ponuđači su trebali dostaviti Rješenje da mogu obavljati djelatnost izvođenja instalacija u objektima standardne konstrukcije i bruto površine 1.000 metara kvadratnih, prema članu 11 tačka c). Pravilnika o ispunjavanju uslova pravnih lica za izradu tehničke dokumentacije, revizije tehničke dokumentacije,

građenja i nadzora. Prvo rješenje je glasilo na ime „Galax“ d.o.o. Donji Žabar i „Galax Niskogradnja“ d.d. Brčko, pravna lica povezana sporazumom o zajedničkom izvođenju građevinskih radova u visokogradnji. Međutim u ponudi za javnu nabavku, pravno lice „Galax“ d.o.o. Donji Žabar nije bilo uključeno ni kao član grupe ni kao podugovarač. Drugo rješenje, Rješenje o ispunjavanju uslova u skladu sa članom 11. tačka c) Pravilnika nije bilo ni dostavljeno. O navedenim činjenicama ponuđač Galax Niskogradnja“ d.d. Brčko je obaviješten putem e- maila te je zahtijevano od ponuđača da u roku predviđenom tenderskom dokumentacijom dostavi tražena Rješenja. Ponuđač nije dostavio u roku neophodnu dokumentaciju tako da nije ispunio uslov za potpisivanje ugovora. Komisija je izvršila analizu ponude drugorangiranog ponuđača i ustanovila da je iznos najpovoljnije ponude na lotu 4 veći od procijenjene vrijednosti nabavke i zahtijevano je od Kancelarije da se izjasni o postojanju dodatnih sredstava za finansiranje nabavke. Kancelarija se izjasnila da ne postoje dodatna sredstva i da se ne može nastaviti sa postupkom nabavke za lot 4.

Komisija za nabavke je dostavila preporuku o poništenju postupka javne nabavke za lot 4.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Gradonačelniku,
3. Kancelariji za upravljanje javnom imovinom,
4. Ponuđačima,
5. „Službenom glasniku Brčko distrikta BiH“
6. Arhivi.

